

INUIT ATAQATIGIIT

INATSISARTUNI



Nuuk 8. januar 2015

Inatsisartut Suleriaasianni § 37 naapertorlugu Naalakkersuisunut imaattunik apeqquteqarpunga.

(Inatsisartunut ilaasortaq Aaja Chemnitz Larsen, Inuit Ataqatigiit)

Apeqqutit:

1. Meeqqat qanoq amerlatigisut innarluutillit pillugit Inatsisartut peqqussutaata ataani sullinneqarpat?
2. Qanoq ittunik ikorsiissutissinnejarnikuuppat?
3. Qanoq ililluni qulakkeerniarneqarpa Naalagaaffiit Peqatigiit Innarluutillit pillugit isumaqtigiiressaata eqquutsinnejarnissaa?
4. Piffissamik killiliussisoqarnikuua qaqugukkut naatsorsuutigisinnaanerippuit Naalagaaffiit Peqatigiit Innarluutillit pillugit Isumaqtigiiressaata eqquutsinnejarnissaa pillugu periusissanik pilersaarummik takunissarput?
5. Inuuusuttut innarluutillit ilinniakkamik suliffissamilluunnit ingerlataqaler-sinnaanerat pillugu immikkut suliniutissanik pilersaarusiortoqarsimanerluni, suliffissaqarneq pillugu annertusisamik suliniuteqarnermut atatillugu?
6. Qanoq iliornikkut klassini immikkut ittuni annertuumik innarluutilinnik meeratalinni atuartitsineq pitsangorsarniarneqarpa?
7. Pilersaarutaava inatsisiniq ullutsinnut naleqqussaasoqarnissaa, taamaalior-nikkut inuit innarluutillit amerlanerusunik neqeroorfigineqarsinnaanissat qulakkeerniarlugu?

Tunngavilersuut:

Innarluutilinnik sullissineq tamatumunngalu aningaasaliissutit pillugit akisussaaffik 1. januar 2011 kommuuninit tiguneqarpoq. Nalunngisat malillugit suliassaqarfik tamanna suli naliersuiffigineqarnikuunngilaq, kisianni pineqarput aningaasaliissutit amerlasuut kiisalu suliassaqarfik immikkut ittunik ilisimasaqarnissamik aammalu immikkut ittunik piginnaaneqarnissamik pisariaqarfusoq, inunnut innarluutilinnut pitsaasumik ikorsiissuteqarnissaq neqeroorutigineqarsinnaassappat, tassani sullitassanut ilaallutik meeqqat inuuusuttullu innarluutillit aammalu taakku angajoqqaavi qanigisaallu allat.

Angajoqqaat peqatigiiffiinit tusartuartarpalput, ikiuineq naammaginanngitsoq, ilaatigut kingullertigut 3. december 2014 Inooqammit peqatigiiffinnillu allanit aaqqissukkamik oqaloqatigiinnertalimmik ataatsimiisitsinermi arlaleriarluni uparuarneqarpoq kommuunit sullissineranni unammilligassaqartoqarnera. Pissusissamisoorsorinarpooq, innarluutilinnik sullissinerup aammalu kommuunit Inatsisartut peqqussutaannik nr. 7, 3. november 1994-meersumik taassumalu ataani allannguutit pillugit suleriaaseqarnerannik ingerlatsinerannillu naliersuineq aallarnisassallugu, taamaalilluni Naalagaaffiit Peqatigiit Innarluutillit pillugit Isumaqtigiiressaataannik eqquutsitsiniarnermi sutigut unammilligassaqarnersoq ersarissinias-samat.

Kissaatigineqarpoq apeqqutit ullut suliffiit qulit qaangiutinnagit akissuteqarfigineqarsimanis-saat.